

Regionalnikani butjarlin ano Probištíp

Ko 5^{-to} thaj 6^{-to} septembar 2008 b. ano Probištíp sine ikerdi i regionalnikani butjarlin ki tema „ Keripe buti ke beršeskere program eke romane etnikane khedina bašo šov komune ani šilali-khamali rig ki Republika Makedonia” savate lele than 22 prezententoja tare biradžikane organizacie thaj romane konsiliarnikane grupe tare komune Rankovce, Kratovo, Vinica, Berovo, Kočani thaj Probištíp, 3 referentoja baše minoritetnikane pučipa tari Vinica, Kriva Palanka thaj Kočani, 3 prezententoja tare lokalnikane korkoriradžina taro Centroja baše socialnikane butja tari Kriva Palanka, Kratovo, Probištíp, Vinica, Kočani thaj Berovo, sar thaj 2 prezententoja tare Agencie bašo butjarnipe taro Probištíp thaj Kriva Palanka. Resarin e temakere butjarlinengoro sine te oven zurarde e forme thaj e šajdipa bašo ničalo dialogo e institucienca ko sistemo, sar thaj te oven dende šajutne drama bašo arakhipe solucia ke problemojia e etnikane khedinengoro ko lokalnikano nivelu.

Resarinasa institucionalnikane te ovel arakhli solucia e minoritetengere etnikane khedipange ko lokalno nivo thaj o keripe ničalo dialogo, ki agenda e butjarlinakoro sine čhivdi o praktikano keripe buti ke beršeskere programe e romane konsiliarnikane grupengoro ane komune Probištíp, Vinica, Kočani, Berovo, Rankovce thaj Kratovo, thaj olengoro deipe thaj inkorporiripe ane komunakere programojia bašo 2009 berš.

Ano adava konteksto sine definirime e prioritetoja baši sakoja komuna ulavde, thaj adava: infrastruktura, sikljovipe thaj i kultura ani Vinica, sikjovipe, kultura thaj o sporto ano Kratovo, infrastruktornikane problemojia, keripe buti e prezententonca tare minoritetengere etnikane khedipa thaj o manifestiripe e kulturnikane ovipangoro ano Rankovce, problemojia tari ranik e sikljovipaskoro, infrastrukturakoro thaj socijalnikano-ekonomikano hali e Romengoro ano Probištíp, sar thaj e infrastruktornikane problemengoro, sikljovipaskoro thaj e manifestaciakoro bašo lumiakoro dive e Romengoro „8 Aprilo” ano Kočani. I butjarlin kerde o Mario Veljković thaj Erol Ademov, savo si ko jekh thaj referento baše minoritetnikane pučipa ani komuna Štip thaj participante ani programa **Treningo baše treneroja** ko proekto.

Palo dikhipa akale prioritengoro, avili kerdi buti ke proektikane konceptoja thaj olengoro prezentiripe tari rig e participantengiri. E konceptoja džipherde sine kerde dende dumesa tare mothovutne, čhivde ano formato e programakoro baši buti e romane konsiliarnikane grupengoro thaj dende dži e jekhutne lokalnikane korkoriradžina. Akale programenca e romane konsiliarnikane grupe ka šaj te keren aplikacie anglo konsiloja e komunengere bašo leipe finansiakere dende love thaj o implementiripe e proektongoro ano thavdipe e 2009 beršeskoro.

I butjarlin organizirinda i Fondacia Putardo Amalipe- Makedonia ano jekhethano butikeripe e lokalnikane ofisosa e proektoskoro Kratovo (Regionalnikano centro bašo ikerdipaskoro barjovipe Kratovo, anglederutno Centro bašo dendo dumo ko BRO).

[Dikh konceptoja baše jekhina e lokalnikane korkoriradžinakoro](#)